

САРВАР АЗИМОВ

Сайланма

Икки томлик

Биринчи том

**ТОШҚЕНТ
Ғафур Гулом номидаги
Адабиёт ва санъат нашриёти
1988**

ҚУЗЛАРИ ЧУЛПОН

Қисса

Хастасан, күргали ул
дилбари жоон келадур.
Юзи моҳ юлдузи ўт,
кўзлари чўлпон келадур.
Сурма тertiб кўзига,
қирмизи қўйлакни кийиб,
Уйнатиб ханжарини
қилгали қурбон келадур.

Ҳамза.

Қиши оғир келди. Қор... қор ва яна зилдай қор. Қариялар ҳикматича, бу — кўм-кўк кўклам, сержило ёз, тўкин-сочин куз нишонаси эмиш. Ноқобил табиат, ер-сув шайдолари ўзларida йўқ хурсанд. «Айнанай сиздан, отахон, оғзингизга новвот-эй», дейишларини қўйишмайди. Чунки, устма-уст икки йил қайтарилиган қургоқчилик суюк-суюкка қадалган, омбор-да ҳаминқадар.

Қордан, аёздан кўнгли зигирёғ одамни ажаб эркала-миш ҳайдар шамол эсдину, ҳуд кирди, ҳуд кирди — деҳқон пайтавасига қурт кирди.

Богимиздаги ниҳоллар — қандил ўрик, сим олма, кашмири гилос, луччак шафтоли гулласа, нишона берса ажаб эмас... Кўргим бор! Дунё ташвишларини бир чеккага йи-фишириб; кўклам кунлари она-юртимни кезмакни, ёру биродарларим билан дийдор кўришмакни қаттиқ армон қилгандим.

Аттанг, насиб бўлмади: узоқ сафарга отланиш мажбурияти яна оёқ остидан чиқиб турса — иложим қанча... Мана кун-уззукун океан устида «бешик тебратиш» ниҳоятига етаетгандай. Нью-Йорк тизма чироқларининг қуйилаб бораётган самолётимиз қанотларида ялт-юлт ўйнаши — шундан белги. Табиатим ғаш, негадир, беҳузур.

Ҳаял ўтмай қўндиқ. Самолётдан чиқишим билан азимкор аэропортнинг кўзни олгудай жимирилаган сонсиз юлдузлари, димогимга «гуп» урган дим, қўланса нам ҳавоси тоби тоқатимни тарс ёраёзди. Дилемини чулғаган аввалги ғашлик, беҳузурлик ҳам гап эканми?!

— Ҳой, жаҳонгашта йигит!. Акмал!

Овоз эшитилган томон аста ўгирилсан, ёшлиқ-бебошлиқ йилларидаги елкадошим Умиднинг шўх чехраси, илиқ табассуми. Кўнглим андак ойдинлашди. Қулоч очиб кўришдик:

— Умид, дўстим... кутилмаган дийдор кўришув!

Хорижий мамлакатларга қилган сафарларимда Умид каби журналист йигитларимизни кўп учратганман. Аммо буниси ўзгача. Бўйчан, жуссаси миқти, қотма, манглайи очиқ, қошу кўзи тусдек бу буғдойранг йигит талайгина одамий хислатлар мужассами: нозик нафосат, ҳушёр ақл, чарчамас омиллик, мусофириликда яхши йўлдош, қутлуғ кунларда улфат, бошга нотавонлик ёғилса ҳамдард, борингки, аллақачонлар оқу қорани ажрим этган йигитлардан. Қусурини ҳам айтай: чарсроқ... табиатида чарслик аломатлари йўқ эмас; аҳён-аҳёнда эса қиёфасида ҳали мен фолини очолмаган маъюслик ҳам кўланка берарди.

— Акмал, «Кадиллак»ни мен ҳайдайми ёки ўзлари?

— Шўхлигинг қолмаган кўринади, Умид! Ҳайдай... Париж, Қоҳира ва ё Токиода қўлимга тушиб қолсангми, машина рулини ушлатиб бўпман... Бу шаҳар йўллари ҳозирча менга ноошно.

— Колумб! Янги кашфиёт...

— Кашфиёт сендан. Келганингга икки йилча бўлдими?

— Бир довон ошиб, иккинчиси.

— Ўйлангандирсан?

— Бўйдоқ ўтишни маъқул биламан.

Сўнгги саволим Умидга ёқинқирамади. Қўзларидаги шўхчанлик йўқолиб, ҳалиги кўланка пайдо бўлди.

Биринчи таассуротим шу: табиат чиройи, одам назокати, тирик жон асабияти бундагидай «маданий» тазиқ, ҳақорат остида қолган бирон макон жаҳонда бўлмаса керак. Нью-Йоркнинг диққинафас, одам сиғмас кўчаларида кезар эканман, шу қаноат қайта кўнглимга келар; одам боласининг бардоши метиндан ҳам серчидал эканда!

— Акмал, сувдан ҳолва пиширувчиларни кўришга қалайсан?— деб қолди Умид кунларнинг бирида.

— Нима эди?

— Оқшом «Уолдорф-Астория» меҳмонхонасида йигин бор. Долларпазлар тўпланишади. Ҳа, айтмоқчи, Бешинчи авеню билан Марказий истироҳат боғини сайр қилишга иштиёқманд эдинг. Йўл-йўлакай уларният кўрардик?

— Бўпти. Йигин мақсади нима экан?

— Бўлғувчи сайлов машмашаси. Илмакаш туллаклар иситмаси кун сайин кўтарилимоқда: «Янги президентлик кимнинг чекига тушади?!»

— Кечака қаҳрамони?..

— Қилдан қийиқ топғич бир шўртумшук,— дерди Умид қўнгир сочларини авайлаб тараганича.— Давоми «Уолдорф-Астория»да, кетдикми?

— Мен тайёр.

Бешинчи авению пулдорлар кўчаси экан. Бир томонида Американинг кўхна архитектурасига хос бесўнақай, серҳашам бинолар қадди, иккинчи томонда эса кета-кетгунча Марказий истироҳат боғи. Баҳаво, сайилгоҳ манзил. Одам шифа. Сувнинг тинифида, ўтнинг ўсиғида юрийдигонларнинг кўпи шунида: ўз зулфини ва нафис олтин занжирда орқасидан эргаштирган лайласи юнгини адаш рангга бўятган хандон-хушон хонимлар дейсизми? Ўз киндигини ўзи кесган тахтакач там-там қизлару суюги бузуқ дакангхўрор ѹигитлар дейсизми? Меҳнат аҳлини чўмичда қоқа-қоқа умири ўтиб кетган киборлар ва ёш бўламан ҳавасидан ҳануз кечгиси йўқ ҳалим чолу қоқидек қуришиб кетган сатанглар дейсизми? Эрмаги отиш-ўлдириш машқидан иборат бетийиқ норасидалар дейсизми? Қўйингки, истаган «башара» оёқ остидан чиқиб қолса, ажабланмагайсан.

Оқшом қўйилмоқда. Сайилгоҳдаги ҳаҳолашиб кулишлар, шақиллашиб сўзлашишлар қайноқ қаҳвага тушган қантдек эриб кетганини сезмай ҳам қолдик. Бесўнақай бинолар деразасида серҳашам, бесўнақай қандиллар чараклади. Бўшаб қолган боғ ўриндиқларида эса чок-чокидан сўқилай деб турган бобойлар пайдо бўла бошладилар.

— Бу қимтинарлар оқшом ҳавосини олишга чиқишганми?

— Оқшом ҳам, тун ҳам, саҳар ҳам шуларники,— дей кўзимни очади Умид.— Олазарак афту ангорларига тузукроқ қарагин-а?

— Ҳим-м... Бошланасиз гадолар.

— Нариги томондаги қандиллар сўнса, булар бемалол чўзилиб ухлашлари мумкин. Унга қадар ўриндиқда ўтириб мизғишига мажбурлар.

«Уолдорф-Астория» меҳмонхонаси, одам — қайнар булоқ. Ҳавода ичимлик ҳовури, сигара ва сигарета дуди, хушбўй атири ҳиди, кулги, мунозара; ғийбат, ғовур-ғувур сузади.

— Хов, қалами дудама жаноблар, оналингиз тўрвасидан беш кун олдин тушгансизлар-ку, нега кеч қолишини одат қилдиларини?.. Гурунгларинг ҳув ана шу бурчакда, илдамроқ...— тупроғини илон инидан қарзга олган ўшандайм сувилони инидан, зал бегининг тузсиз қочириқларига аҳамият бермай, кўрсатилган бурчакка ўтар эканмиз, баъзи суҳбатлар юлуғи қулоғимга чалинди. Мана улардан бир-икки шингили:

«Бадҳаво гап, бадҳаво... Аждодларимиз удумини унут-маслик лозим,— бу сўзлар сариқ эчки соқолини дароз

ҳамсуҳбатининг кўкрагига тираб олган кўзлари ола-куда жанобдан чиқар эди.— Бу қора тумшуқлар (ҳали йигирма миллионлик халойиқ дедингиз-а?..) лабига кесак суртиб, қора хизматимиизда юришаверади. Тамом-вассалом! Қай бир президент Америка ҳабашларини озод этишга қўл урса, бошига Кеннеди куни тушади. Тамом-вассалом!..»

«Бетонзор қора ўрмонда яшашдан кечамизми, йўқми ўзи?— буниси зиёлилардан бўлсами?— Гараша қоматини икки букканича қаршисидаги қорни қаппайган жаноб фрагининг тугмасидан торта, гапидан қолмайди.— Ҳим-м... Нью-Йорк кўчаларида ҳатто қуш учсаям нафаси қисилиб ўлади. Ҳим-м... бу бетонзор қора ўрмонда туғилган ёшлар жиноятни, диёнатсизликни, нашавандликни касб қилишмоқда. Ҳим-м... Бугун газеталарда: «Бўйида бўлган тўқиз яшарлик нозанин» ҳақида хабар бор, «Олтига кирган ма-на бу йигитча ота-онасини ўлдирипти»..: Азбағойи худо, ўқидиларми?.. Ҳим-м...»

«Джон, Джон, дейман?.. Намунча қовоғингни осмасанг, ширингинам?— дерди қимматбаҳо мўйна кийимидағи суви қочган аёл эндигина сабз мўйлови кўрингган қулоги динг, суюги бузуқ ўсмирга эланиб,— мен-чи, ўта айёр хотин эканман. Кечаги итальянча фильмдан лаб сўришининг, қиҳ-ҳҳ... ҳа, ширингинам, лаб сўришининг янги йўлини ўрганиб олдим. Тунда тилингга жонгинамни пайванд айлаб сўраман, ширингинам! Менга қарагин-а...»

«Ҳа-ҳа-ҳа... Күёвтўра Вашингтон сайрида эмишлар?— дея укки кўзларини ўйнатарди ёши ўтиб қолган мешкоб жаноб силлиққина жувоннинг нозик белига қўл юборганича.— Ҳа-ҳа-ҳа... айни мақсад, ойимча! Тунни оромда кечирсакмикан? Ҳа-ҳа-ҳа...»

«Розиман... гапларингга розиман, рози!.. Ишонаман: тирик бўлсанг юрагимдасан, ўлсам — суюгимда, Техасдан учган лочиним! — бу жони ҳалак жаноб ҳам тилидан гуллаганлардан бўлса керак.— Аммо-лекийин, миллий шармандаликниям олдини тўсиш керак-да. Уятмасми? Ҳар тўртинчи ҳабаш ишсиз... А? 16 дан 21 яшаргача бўлган яirim миллион негр болалар учун ўқиш ҳам, иш ҳам анқонинг тухуми... А? Ҳар олти оиласдан бири кулбасиз... Америкада-я?!»

Дафъатан олағовур босилди. Залдагилар диққати қириб келган «нотиқ»да.

— Танидингми?— дея биқинимга туртиб қўйди Умид.

— Йўғ-э?! Олдинги сайловлардан бирида бор-йўғи 112 овозни кам олган кони зиён эмасми?

— Ўша.

— Кутталаси президентлик дейман. Яна тиришмоқчи-ми?

— Орзуманд... лекин ҳозирча гапни дуранг қилишни маъқул кўради.

«Қони зиён» йигитчалардек сакраб стул юзига оёқ бос-ганича панг овозда сўзлай кетди: димоғига яқин келиш амримаҳол... бутун ёлғонни ишга солсаю, тингловчиларни дарёга ҳўл олиб бориб, қуруқ қайтариб келса... Жанобнинг коммунистлар, коммунистик жамият ҳақидаги бад-ҳазм вайсашлари эса худди арслонга юзма-юз бўлган сў-қир тулкининг аянч тақдирини эслатарди:

— Жаноблар, хонимлар! Биз шод бўлишга ҳақлимиз. Коммунистлар орасидаги ўзаро низо ўт олмоқда-я! Тўқай-га ўт кетса, ҳўл-қуруқ баравар ёниши эсларингдадир? Жаҳон халқлари тарихига улар таъсирини бебурдга чиқа-зиш, «Озод дунё» мақсадларига қанот бериш фурсати ет-ди. Коммунистлар шохидা юрса, биз гулида юришимиз шарт!..

Залдагилар, айниқса, чийилдоқ хонимлар «нотиқ»нинг бу думбул сўзларини қийқириқ билан қарши олишар:

— Америка шундайга интизор!

— Бизга айни шу одам раводан-раво!

— Президент ўзи бўлсин!..— каби садолар пода чангидан ҳам қуюқ кўтарилар эди.

— Америка халқини сариқ чақага пуллашга ҳозир, латта базми энди қизийверади, — деди Умид менга сина-мол назарини ташлаб.— Кетсан ҳам бўлар?

— Ажал отини ўзлари қамчилайверсинлар. Бу жинни-хонадан мени тезроқ олиб чиқ, ўтинаман!

Биз «Уолдорф-Астория»дан чиққанимизда қоронғи тушган эди. Улганинг устига кўмган, деганларидай Бродвей томон йўл солдик.

— Умид, «Известия» газетасида 20 — 25 йўллик хабарингни ўқигандай эдим?

— «Бирмингем — Бош Ассамблея — Кеннеди»ни айт-япсанми?

— Ҳа. Мулоҳазаларинг хомроқ қолипланган кўринди чамамда.

— Бултур кесилган бармоқقا бу йил йиғлашдан фойда йўғу, қисқартириш, ёзилган мақолани қайчилаш ҳам эви билан-да!.. Тобинг бўлса, жижжасини, Бродвейга ет-канча, айтиб беришим мумкин?

— Бошла.

— Ӯша ташвишманд кезларда,— ҳикоясини бошлади Умид,— расмий ва ғайрирасмий Нью-Йоркнинг фикр-ёди

икки нарса билан банд эди: Американинг Бирмингем шаҳрида кечган ҳодиса-ю, Бош Ассамблеянинг навбатдаги XVIII сессияси.

- Октябрда эди, чоғи?
- Йўқ. Сентябрда. Мумкинми, фикр бўлинмаса?
- Албатта мумкин. Кечир мени!

— Бирмингем. Якшанба. Шаҳар қуёшнинг ёқимтой зарбобида,— давом этди Умид.— Ҳабаш аҳли чеҳрасида нечукдир мағрур тантана ва собит осойишталик. Кўзлари га юлдуз қўнган, қора майиздек ширин болаларини бисотда борича ясан-тусантирадилар-да, черков томон йўл оладилар. Ахир, бугун «Болалар куни», ҳайит.

Черков ҳузуридаги кенг-мўл ибодатхона қўнғирсоч болалар билан тирбанд. Олло-таоло бандасининг, черков маддоҳининг «Бору йўқни афв этгувчи оқибатdir» мавзудаги қироати черков гумбазидан акс-садо таратиб ибодатхонага ёғилар, ниҳол бошларни янада пастроқ эгилишга, ўт танларни андак букилишга мажбур этар эди. Гўё бутун олам тантанали сукуту вазмин қироатдан иборат. Гўё Бирмингем ҳабашлари ҳам оқ танли ирқчиларнинг найранг ва ҳақоратларидан халосу ўтган ишга саловат деганларича орзу чечаги — ҳуррият, инсоний тенглик соҳибаларига айланишган. Бугунги Америкада-я?

Бироқ, фавқулодда, илоҳий сукут ва салобатли қироатининг нақ ўртасига чақмоқ келиб тушгандай бўлади. Черков гумбази тебранганича иккига ажралиб, деворлари ўрнидан кўчади. Одам одамни, ота болани, эр хотинни танимайдиган хунук манзара: на қий-чувнинг ниҳояси бор, на портлатилган черков деворлари остида қолған кичкинтойлар ҳисоби ва на бечора ота-оналар фарёдининг сўнгги!

Ана томоша... «Ҳурриятпарвар» Америка!.. Расмий Американинг шарҳига кўра, бу шунчаки бахтсиз ҳодиса, турмуш кўргуликлари экан. Олий ирқли кимсалар битта бомба ташласа ташлабдилар-да. Нима бўлти? Хўш, ўнта-йигирмата манглайи қоралар дунёдан ўтса осмон узилиб ерга тушармиди? Америкада бундай ғаройиботлар бўлиб турмаса, биз зерикиб қоламиз, дейишади улар тиржайланларича.

— Тавба!— Умид сўзларини бўлдим чидай олмасдан,— Наҳотки, бу разил фалсафа йигирманчи асрда ҳам яшаш хуқуқига эга! Ҳа, афсуски, яшамоқда. Яна лоқайд мунофиқликка пул берасан!

— Ошга ўртоқ, бошга тўқмоқ, шулар. Давомини эшиш. Куни эртаси, бир юз ўн бир мамлакат вакиллари, жумла-

дан, ўттиз иккиси Африкадан, жамулжам бўлган Бош Ассамблея минбаридан нутқ сўзлаган Америка президенти, инсонга чин муҳаббат, башариятнинг абадий озодлик ҳақку ҳуқуқи, халқлар қон-қардошлиги борасида роса жавради.

Фарб қамоли — озодлик тимсоли. Шарқ айни зулмат маконимиш.

— Биз ўйлаймизки,— дея сўз қотарди аллоб-қаллоб жамият сайроқиси,— бутун дунёда, Шарқий ва Фарбий Европада ҳам, қадимий ва ёш давлатларда ҳам жумлаи инсон ўз келажагини, ирқий айирмачиликдан пок ва зулмдан озод, тазииксиз ва урушсиз ўз келажагини танлашда эркин бўлиши зарур... Барча халойиқнинг чин ҳурриятга эришувига меним имоним комил...

— Фалвасиз каллям каллами!. Ойни этак билан ёпмоқчи бўлади-ю, уяти кўриниб қолганидан, дилозор—одам безорлигидан хабарсиз бу нотиқ...— Шу пайт Умид чўнтағидан бир қофозни чиқариб, «ўқи!» дегандай, чироқ нурига тўғрилади.

«Бош Ассамблеянинг муҳтарам Бош секретарь жаноблари,— қўлимдаги мактуб шундай бошланар эди,— биз «Вафодорларни парвариш этиш жамияти»нинг иззат-икромли аъзолари Бирлашган Миллатлар Ташкилоти сессиясига мурожаат қиласиз:

Худо ҳақи, яхшилар, айтинглар-чи, қачонгача одамзоднинг энг яқин дўсти бўлган итваччалар, кечирасиз, яхшилар, вафодорлар кўчаларда нимчасиз ва лозимсиз олиб юрилади, хўш! Бу, жониворларга нисбатан адолатсизлик, ўта шафқатсизлик-ку. Ит — вафо, хотин — жафо, деган доно Шарқ.

Қисқаси, Бош секретарь жаноблари, «Вафодорларни парвариш этиш жамияти»нинг ғоятда мумтоз таклифини, яъники, вафодорларни ҳар мавсумга хос либос ила таъминлаш масаласини Бош Ассамблея кун тартибига киритиш ва тегишли, барчага мажбурий қарорини чиқазиб беришингизни орзиқиб кутамиз.

Тўғри, иззат-икромли жамиятимизнинг бу таклифиға қаршилар ҳам бўлуви мумкин. Айниқса, коммунистлар, Иттифоқо, улар — аслида тошюрак одамлар. Агарчанди, Бош секретарь жаноблари, шундай вазият содир бўлиб, овозлар бўлинниб кетиш хавфи туғилса, майли, коммунистларга айтишингиз мумкин: бизнинг таклифимизни қабул қиласалар, «жамиятимиз» марксизм фалсафасини тан олишга ваъда беради. Ҳар нечук вафодорлар либос соҳиби бўлишса, бас!..» ва ҳоказолар.

— Васиқаси қалай? — дея кулди Умид, мени йўлга солмоқчи бўлиб.

— Ўргилдим васиқасидан!. Кулайин десам йифлагим, йифлайн десам кулгим келади.

— Ошиқма. Ўлгурасан... Бу мамлакатда турли «жамиятлар» беҳисоб, чуқурда ачиган лойдай: «Вафодорлар жамияти», «Джон Бэрч жамияти», «Ўғрилар ҳукумати», «Фоҳишалар гурунги» каби ахлатмаконлар шу кунларда айни авжида — ойда тутам, йилда қулоч.

— Ринд табиатларига балли!

— Ана шу ринд табиатларининг оқибати 22 ноябрда ўзининг мараз башарасини ошкор этди. Америка президенти Америка зодагон разиллари — ёри бадаҳлар отган ўқдан юлдуз кўрмай жон берди.

— Гарчи тарихий параллеллар кўп вақт ўзини оқламаган бўлса-да, Умид, негадир, 22 ноябрда Далласда отилган ўқни эслашим билан 1933 йил 27 февралда Геббелс ва Геринглар томонидан Рейхстагга ўт қўйиш воқеаси кўз ўнгимда айланаверади.

— Гапларингда маълум ҳақиқат бор, албатта. Ҳар икки воқеа ҳам, айнан бир мақсадни кўзлаб саришта қилингандай... Лекин замон бошқа, ўзарган. 1933 йилдаги Германия қайдо-ю, бугунги Америка қайдо... Энди-чи, коммунизм душманлари бу каби юмушлардан ой кўролмайдилар, шубҳасиз!.. Ҳа, ана, Бродвейга етаёзик. Кўзни тўрт, оёқни олти қиласверасан.

Бродвейдагилар дарёдан бир қатра-ю, офтобдан бир зарра, кун кўрганинг куни ортиқ, келиб қол, олиб қол, шўхлигининг қилиб қол қабилида киштикорларини юритар эканлар. Ҳар ёқни чархифалак чироқлар, шаҳвоний рекламалар, мисоли «ўғил — ота-онасини сўйди», «итга ётган аёл», «беш йигит бошини олган қиз», «икки жувон — бири эр, бири хотин», «фоҳиша ва доллар» сингари киношиборлар воситасида жирканч, ҳаёсиз омилликлар, падарфурушу невараҳарид тадбирлари булогининг кўзи катта очилган. Ҳезалакчалиш йигитлар, кун кўрмас ерларини ҳам ошкор этгудай қичиқ жувонлар, кўкнорию нашавандлар, кazzоблар, олғирлар, юлгичлар, хуллас, одамийликни унугланларининг бариси шу кўчада экан.

Биз «пайғамбар»лар манзилидан чиқиб қолдик. Исо пайғамбар либосига ҳимраниб олган кимса атрофига ўн-ўн беш лақмани йиғиб, «оташин» нутқ айтмоқда: «Хой, бандалар, мен Исо пайғамбар бўламан. Парвардигори олам олдиларидан келдим. У олий зотнинг мўътабар сўзларини келтирдим. Сизларга парвардигори олам дейди-

ларки, эсларинг борида коммунистлар тагига сув қўймоқ — қарзингиз ҳам фарзингиздир!..»

Нарироқ борсак, унда ҳам одамлар уймалашган. Ҳалигиси дароз пайғамбар эди, буниси эса юмрондек ерга тортган, юм-юмалоқ пайғамбар: «Бандалар, сизлар у даҳрийнинг алжишларига қулоқ солсангиз, гуноҳкор бўласиз. Негаки, Исо пайғамбар у эмас, мен бўламан. Сизларга арши аъло маконидан чин сўзларни мен келтирдим. Тингланг!..»

«Пайғамбар»ларнинг қулоқни батангга келтирувчи шанғи овозларидан узоқлашиб улгурмаган эдикки, қарши миздан чиққан алвасти аёл менга ёпиша кетса бўладими: «Вой, вой ўлмасам,— дея мени эркалашга интиларди у,— унутдингми, эсингдан чиқардингми, севарим? Беш юз йил олдинги кечани, лаззатли тунимизни... бевафолик қилма, мана бу мегажинларга ўхшаб... Қучоғингни оч, ўтли бўсалар, шўх-шўх ашуалар келтирдим..» Хушхўр ўйнашгинам...»

Яхши ҳам ўйинга тушиб кетди-ю, бизни ўз ҳолимизга қўйди. Одамни дилхаста айлагувчи бундай ҳолатлар ҳар қадамда. Мана, яна бири. Икки кўзи кўр негр, устида Америка солдатининг йиртиқ-ямоқ кийими, скрипкани йиғлатмоқда. Кўксида икки қатор орден ленталари тизилган. Ёнидаги қизрасининг аянч кўзлари одамлар қўлида.

«Камоли эҳтиромим сизларга, болаларим,— дея бизга яқинлашарди нуроний, лекин кўзлари бежо она, қўлидаги кувачага бизнинг диққатимизни торта:— Бу кувачада соф ҳаво бор. Сизларга аталган. Олинглар!.. Мана бу гадой-топмас Бродвейда димиқиб қоласизлар. Олинглар, кувачада соф ҳаво... Сизларга...»

Жоним ҳиқилдоғимга келди. «Асти қочмаган —номард» деганларидай, тўғри келган таксини ушлаб, меҳмонхонага қайтдик. Умид оғзинга сўк олгандай жим. Мен ҳам гап очмадим. Шу зайлда ўз хоналаримизга тарқалишдик.

Бош оғриғидан қутулиш ниятида душга тушиб, ўзимни ўринга ташладим. Қани энди уйқу босса-ю, саёҳатимиз зил тоши кўнгилдан кўтарилса... Аммо, хаёл бор жойда уйқуга йўл бўлсин? Қочади-кетади. Ахийри бўлмади. Умид хонасига кириб бордим. У ҳам бедор: ўзи ўрнида-ю, ўйчан кўзлари шифтда.

— Ухлаёлмадингми?— сўради Умид вазиятини ўзгартмасдан.

— Шунча зўрласам ҳам кёлмади.

— Бора-бора кўникасан, бу нөрдөн таассуротларга...

— Сен-чи? Қўникмапсан-ку. Қўзларингда маъюслик?

— Зийраксан, Ақмал. Қизиги шундаки, ифлос ҳаёт тутунини кўрсам-да, хаёлим гулда, тозаликда бўлади. Айниқса, ўтмишдаги бир тарих тинчлик бермайди.

— Мен биламанми?

— Йўқ. Бехабарсан.

— Сирми?

— Гард юқтиришни истамаганим учун сенгаям айтганим йўқ.

— Ундан бўлса, майли, айтма.

Шундай дедиму, лекин дўстимдаги бир ҳолат мени ўйлантириб қўйди.

— Билсак? Тоқ юришинг...

— Уф-ф-ф... тотли кечинмалар нашъаси,— дея чойшабини очди Умид.— Кел, ёнимга кир. Агар жиллаям ҳалақит, савол бермасдан тинч тинглашга ваъданг бўлса, майли, сўзлайн. Чидайсанми?

— Ваъда?— дея унинг ёнига кирдим. Бир фасл жимлик чўқди. Сўнгра Умид сўзга кирди:

— Ақмал, сен йигит умрининг энг нодир фаслида жамол кўрсатмиш, нишона бермиш гулғунча — биринчи севги илҳоми ва ёки заҳрини чекканинг борми? Сени-ку, билмадим, аммо мен нашъасиниям, заҳриниям тортганлардан.

Хабаринг бордек эди? Үн саккиз ёшларимда бедаво касалга дучор бўлиб, жар ёқасида қолдим. Мени Шоҳимардон санаториясига жўнатганларида ўзимда бор-йўқ ҳолатда эканман.

...Бир палла санатория палатасида сал енгил тортсам бўладими. Бошим тегирмонтоши, аъзойи вужудим ёнмоқда эди. Дилим худди исканжага олинган бир парча чўғ темир, ҳадемай муздек сувга чўқади-ю, «писс» этганча сўнади. Кўкракни айтмайсанми? Фижиллагани-фижиллаган, тузоқдаги бедана каби жонсарак. Ҳаво, бутун коинотни тутиб ётган ҳаво мен дарди бедавога етишмаса-я. Эсиз навниҳол ёшим, шариллоқ урилган бошим, бошгинам... Эсиз она ҳаваслари, йигит орзулари, тотли умидлар...

Очилмасдан толиққан кўзларим (юлдузи аллақачонлар офтобда қолиб ўчган чит мисол хидалашган бўлса ажаб эмас) ланг очиқ дераза ёнида қад кўтармиш арчага, кўм-кўк арчалар сафига, ипак-ипак баҳор булувлари орасидан қорайиб тўш керган тоғ чўққиларига қадалар экан, ҳасадим қайнар, хўрлигим ошиб-тошар эди. Дўлана-дўлана йўргаламиш қайноқ ёшнинг шўртак таъми пўрсиллаб кетган лабларимда сеэлар, яллиғланган тилимни ачитар эди. Назаримда бўз йигитлар сингари саф тортган ям-

яшил арчалар, оёғи ерда-ю, боши фалакка туташган сервиқор тоғлар меним бу ҳолимдан заҳарханда қаҳ-қаҳ ургандай: эй ўғлон, куч қайды, бурч қайды? — таънасини ёғдиргудай.

Нимаям қила олардим? Кулсаям, таъна тошларини отсаям ҳақли. Кўклам ёмғири жамолини очган сабз арчалар қайды-ю, мен ранги заъфарон қайды? Мислсиз құдрат, мўъжиза тимсоли бу метин қоялар' қайды-ю, илигини сил касал қуригтан мен нотавон қайды?

Жаҳон харитасининг бир нуқтаси Фаргона водийси ила банд: ери — олтин, суви — шарбат. Одамларига қарамайсанми? Қайроқдек пишиқ одамларнинг бағри бутун, қўли гул, дилкаш, оқилона оналари чаккасида райҳон. Меҳнат офтобида тобланган қалқонтўш йигитлари дастиди соз. Ҳилол қош, бодомқовоқ қизлари эса чирой, нафосат чашмаси. Бу водийнинг қоқ пешонасида, тизма тоғлар ҳалқасининг айни марказида Шоҳимардон ерлари қулоч ёзган. Биласан: қиёс қиласидирларки, агар Фаргона водийси бир латиф нозанин бўлса, Шоҳимардон унинг гул барги каби хушбичим лаблари устидаги ҳусн — хол эмиш; агар Фаргона водийси обиҳаёт дарёси бўлса, Шоҳимардон бу дарёга жон киргизган обишарбат булоги эмиш. Бу, албатта, муболага, лекин чин, толиб айтилган муболага: элу юрт севади-ю, муболағалар тўқийди, кўкларга кўтаради ўз хоки-покини. Шоҳимардон ором, шифо манзили дея, мен хастага мақтаган ерлари шу экан-да, деб ўйлардим. Бу жойларни кўрмаган бор, кўрмаслик ор, деганлари эс-эс хотирамда.

Ўйларим силсиласида талай дақиқалар кечди шекилли. Тимкўк қирлар нимолтиң ранг олди. Бутун олам азамат қоя ортидан ўрмалаб кўринган қуёш нурида эркаламмоқда эди. Ҳаёт ёғдулари меним орзуларимга ҳам қанот боғлар, фикримни тезларди. Дейман: қани энди мажолим бўлса-ю, қуёш баркашини ана шу зўр қоя устида қарши олсам. Сўнгра, югурга-ела қутоқ-қутоқ чечаклар терсам. Саҳарнинг ўзидаёқ қоринлари тўйган оҳулар, қўй-қўзилар орасида кезсам. Тош остига бостирилган равоchlарни излаб топсам-да, майсалар тўшагида ағанаб-ағанаб баҳор тароватини сўрсам. Кўнгил не лаззатларни тусамайди? Яна ҳамал-амал фаслида-я?

Кайфиятим кимларнидир мен ётган хона томон шошилган дукури билан бўлинди. Ўз ҳоли-асроримдан уялганимданми ёки менга маълум. берилажак эзма сўроқлардан безганимданми, улар яқинлашган ҳамон кўзларимни юмиб олдим.

— Уйқуга толипти. Ёшини билдингизми, Любовь Николаевна? — бу кела қўл томирларимни текширишга тутинган ёркакнинг вазмин, оҳангдор нафаси эди.

— Атиги икки ўнга кўрипти, — жавоб берди майин овозли ҳалиги аёл.

— Иигирма? Ҳм... Еш экан. Касаллик тарихи?

— Икки-уч йил нари-берисида.

— Кон таркибини текширитирдингизми?

— Ҳа. Таркиби хунук.

— Бадани ўт ичида, аммо дилининг қуввати чакки эмас.

— Шу ҳисобига яшамоқда.

— Агар шундай экан бирдан-бир чора, Любовь Николаевна, қон қўйиш.

— Ҳайронман. Бектош Отахонович, кўтарармикан?

— Дадил бўлинг. Организми ёш, ажаб эмас, жиловини бизга тутқазса!

— Кошки эди.

— Исми нима экан?

— Умид... Умиджон!

— Умид... Хўб от қўйишипти. Тўхтанг... тўхтанг-чи, мен бугун Тошкентдаги бир дўстимдан мактуб олган эдим. Мана! Ҳа-а... Умид! Худди шу йигитча ҳақида. Марҳамат, ўтиринг! Уни сизга ўқиб беришим шарт. Касал тарихи кафтингизда бўлади... Йигитимиз уйқуда, шу ерда ўқисак ҳам бўлар?

— Қизиқ. Ишларимиз ўнгидан келмоқда-ку, Бектош Отахонович.

— Мехнатингиз ҳам зое кетмас!

Кейинги икки йил мобайнида беҳузур умрим касалхоналарда, оқ либос кийган кишилар муҳитида кечгани учун бўлса керак, уларнинг ҳаракатларига, суҳбатларига бефарқ қарайдиган бўлиб қолдим. Минг қилсалар ҳам саломат одамларнинг дарди бедаво касал ҳол-аҳволини, кечмиш-кечирмишларини қалбан англашларига, ҳамдард бўлишларига иноммай қўйдим. Ваъда берадилар — натижа йўқ, ишларинг кушойиш топиб, тузаласан-кетасан дейдилар, мен эса кундан-кун ўзимни жар ёқасида сезмоқдаман.

Бугун ҳам тепамда турган бу икки кимсанинг (бiri профессор, иккинчиси врач экан) тақдиримга оид мулоҳазаларига қиттак ҳам қизиқсинганим йўқ. Тезроқ кетишлирини, жим қўйишиларини истардим. Лекин бир нарса мени ҳайратга солди: улар муомаласидаги том ҳурмат, мўътадиллик, мулоҳимлик... Бектош Отахонович сўзларидан бол.

томарди. Любавь Николаевна жавобларида эса ширашарбат оққандай.

Зимдан, ўгринча, олдин Бектош Отахоновични, уидан кейин Любовь Николаевнани қизиқсинаи кузатдим. Профессор 40—45 ёшларда бўлса керак. Сермулоҳаза одам кўринади. Чеҳраси очиқ. Пешонасини кесиб ўтган уч йўл — кўпни кўрганлигидан, пасту баландни билганлигидан далолат. Врач Любовь Николаевна эса 30—32 ёшларни кечирган, мулоийм хотин. Икки юзидағи мўъжазгина кулгичи унинг бекаму кўст оқмағиз чеҳрасига доимий табассум тамғасини босгандай.

Шу орада улар дераза яқинидан жой олишди. Бурнимни жийирганимча кўзларимни чирт юмдим.

«Бектош, қадрдон дўстим,— мактубни ўқий бошлиди профессор,— талай вақтдан буён хат ёзолмадим, кечир! Ташвишларим кўп бўлди, қийналдим. Москва остонасидағи жангда қаттиқ яраланиб Тошкентга қайтишга мажбур бўлганим етмаган экан. Ноқобил укам Умиднинг бетийиқлари руҳий азобимни тошириб юборди...»

Ҳамхоналарим ўткир назарлари мен «ноқобил»га тикилганини сезардим. Бектош Отахонович ўртага сўз қистирди:

— Ҳазилкашлар бизни ялакат данак дейишарди. Ҳалиги жангда у кўкрагидан, мен бошимдан ўқ едик. Иродаси метин йигиту кўнгил бўшлиги бор, таъсирчанроқ.

— Садафсиз дур, тикансиз гул бўлмайди, профессор.

Жавоб ўрнига, мактубнинг давомига тутинди Бектош Отахонович:

«...гар эсингда бўлса, укам Умид ҳақида гапирган эдим. Биз икки фирт етиммиз. Фарқ шундаки, мен ота-она меҳрини, тобу тоқатини бир оз бўлса-да, кўрганман. У эса темир ҳанотлигига етим қолган: отаниям билмайди, онаизориниям танимайди. Ўқиб юрган кезларимда у ўзгалар эшигига қолиб кетди. Дастёрчилик кўчасида чекмаган машиқатлари бўлмаса қерак.

Ниҳоят, укамни ўз бағримга олиш имкониятига эришдим. Мен ишлардим, Умид ўқирди: тинч, тотли кунлар, aka — шод, ука — баҳтиёр...» .

Мактубдаги бу сўзлар мен ғамзадани бир ўтга ташлар, бир сувга солар, чиндан ҳам, кошки, ўша кунларим айланниб келса?.. Мактабдан қайтиб акамни кутардим. Келиши билан, декчани осиб, таом ҳозирлардик. Сўнгра у китоб мутолааси билан банд, мен дарс тайёrlаш билан машғул бўлардик. Якшанбалари-чи? Бирга сайр қиласдик: меним болаликларимга шерик бўларди акам, акажоним... ўша кунлар қайда?

«...Савдои муҳаббат, мени-да ўз йўлига солди,— мактубни ўқимоқда эди профессор.— Уйландим. Оиламизга яна бир одам қўшилди. У кишининг менга қадрдан умрдош, Умидга мурувватли она бўлишини истардим. Ваъдалар ҳам шундай эди. Бироқ, истакларим ўзининг тескарисига айлана борди. Умиднинг теран кўзларида бир вақтлардаги мунг аломатлари, менга нисбатан нечукдир совуқлик ҳолатлари сезила бошлади. Бунинг устига, хотиним ҳам Умидни менинг меҳримдан узоқ тутишга интилгандай ҳаракатлар қиласар, юрагимга ғашлик солар эди. Кейинча пайқасам, аёлнинг бағри торроқ, кўнгли хижил, феълида талайгина худбинлик қўйқумлари бор экан. Эсиз!..

Койидим. Софдил кишилар ҳақида сабоқ беришга, яхши фазилатлар уйғотишга мажбур бўлдим. Бироқ, ўзинга аёнки, фурсат танг келиб қолди: Ватан уруши бошланишининг эртасига ёқ сафарга отландим. Иккисидан қилган бирдан-бир илтимосим — иноқликни, одам меҳригиёсини бой бермаслик бўлди. Лафз бир — одамлик ҳам бир, дердим. Чунки Умид ҳали норасида бола. Кўнглини синдириб қўйиш ҳеч гап эмас. Ўзинг яхши биласанки, бундайларни майиб қилиш осону тўғри йўлга солиш машаққат. Хуллас, жўнадим...»

«Жўнадим» эмиш. Айтишга жўн. Укангиз аҳволи не кечди? Танҳо қолдим. Яна ким билан денг... Кўнгли тош аёл билан-а! Хотинингиз ғайирлиги, укангиз чарслиги бошинингизга бало бўлди, акажон.

«...Фронтдан қайтиб келсан,— хат давомини ўқир эди Бектош Отахонович,— Умид йўқ, уйдаем, мактабдаям... кўчага чиқиб кетипти: ўзи саёқ, қилмиши бетийиқлик, ўртоқлари ўғри-кazzоб болалар. Қидира-қидира зўрға ушлаб олдим. Тавба, одам ҳам шунчалик ўзгарар экан. Мўмин-қобил, соғлом Умид ўзининг астарига айланган: турқи совуқ, кўзларида дайдилик тикани, ранги синиқ, елкаси чиққан, тез-тез йўталишини қўймас...»

Акажон, кўп ноқобилликларни ишладиму, лекийин ўғирлик қилганим йўқ. Тўғри, дайди болалар даврасига тушиб қолдим. Оч-яланғочлик ўз ишини ўмарди. Үпкамни совуққа олдириб қўйганим учун аскарликка ҳам яратмадилар. Ўйимизга қайтишдан, хотинингизнинг заҳар сўзларидан, илон кўзларидан дайдилик афзал эди менга. Бу занғар сил касал ҳам ўз вақтида ишини бажармади: ўлардим-кетардим. Ёмонлик билан чарслик мени синдириди. Синдирилган ниҳол қайта кўкармас, ё чўкиртак, ё қингир-қийшиқ дараҳт бўлиб ўсар. Ундан бўлишни, сизнинг беғубор кўнглингизга тинмай озор бера беришни истамайман, ҳалиям ўлимимга

розиман. Акам ҳам, отам ҳам, онам ҳам сиз! Ноқобил укан-гизни кечиринг, акажон...

Шу тобда ахволим оғирлашиб, ўзимдан кетибман. Акам хатларини нечук тугатдилар; Бектош Отахонович билан Любовь Николаевна қандай қаноатга келишди — менга номаълум қолган эди. Эртасидан Любовь Николаевна қон қуишини бошлади. Қани энди бегона қонни кўтаришга менда мадор бўлса? Ҳолсизликдан иситма кўтарилар, жоним бераҳм қийноқда, ўлим талвасасида. Бу азоб ниҳоятини чақираман, куним тезроқ битишини истайман, бошимда парвона Любовь Николаевнанинг юзларига қаролмайман. «Меҳнатингиз ҳам зое кетмас», эмиш... Ахир, муз устига итқитилган балиқ ўзини моматалоқ қилиб қанчалик уринса-да, бирдамас-бирда тарашадек қотиши бор-ку...

Намозшомгул жамол кўрсатиш пайти бўлса ёрак. Ана кетдим-мана кетдим ваҳимасида ётар эканман, шундайгина деразам остида бир ёш нарсанинг тоғ жилғасини эслатувчи кулгиси эшитилса бўладими! Вужудимни заҳар босди, бу мегажин мендан кулмоқда, дердим. Қўнгироқ кулги талайгина узоқликдан иккинчи бор эшитилди. Даб-дурустдан, шу тобдаги нафрат ҳисларим қизиқсиниши билан алмашса, ким экан, бир кўрсам, қиз бола кулгиси ҳам шунчалик беғубор, тип-тиниқ булоқ кўзида ўйнаган шабададай шўх бўлар экан-а? сингари саволлар бошимни пармалай бошлади. Шу-шу эртаям, кечам қулоғимни динг қилиб ҳалиги кулги эгасининг шарпасини кутиш менга одат бўлиб қолди.

Бетийиқлик кўчаларида саргардон кезларимда кўп номаъкулчиликларни ишлаганман, билиб-бilmай. Қўлимдан ўтган қизлар ҳам бўлишган. Аммо кўзи сузуклар билан бўлган муносабатда «оҳ-воҳ»га бориб етиш биздақангилар фалсафасига ёт гап эди. Энди-чи? Қайси бало урди мени? Ўзини кўрмай-билмай туриб, битта кулгисига шу қадар бино қўйиш! Еки бу ҳолатим ҳам ўлим ёстиғида ётган кишининг чучмал хаёлотимикан?..

— Ҳой қизгина! Қалдирғоч?.. — бу — Бектош Отахоновичнинг менга таниш овози эди.

— Лаббай, профессор! — берилган жавобнинг майин пардалари мени ўрайдо қилган кулги соҳибасига тегишицафас эканига шубҳам қолмади. Исми Қалдирғоч экан. Кулгиси тиниқ, шалдироқ булоқ нафасини эслатганди. Исми Қалдирғоч-а! Зангори осмонда кўкрак керган, шамолдан тез учмиш қуш жамолини кўз олдимга келтирди-қўйди. Ҳўш, кулгиси жондек ширин экан, овози насим каби майин экан, исми ажаб топиб қўйилган эканку-я, бироқ қад-

ди-қомати, қошу күзлари қандай бўлса, ақли расодир, табиати тоғ жилғасидек шўх кўринади,— деган ўйларим менгә тинчлик бермас, мени дераза томон тортар, тур ўрнингдан, бир кўриб олсанг-чи, далласини берар эди.

Тўхта-чи, — фикрим бойлоқдаги тойчоқ каби нотинч.— Бектош Отахонович уни ким деб чақирди: «Хой қизгина! Қалдирғоч!»— деди. Бегонагаям, хотинигаям бундоғ муомала қилмаса керак эди. Қизимикан?.. Ҳа-а, қизидир. Унда нега Қалдирғоч: «Лаббай, профессор!» жавобини қилиди экан. Қизи учун андак ўхшамаганроқ (овозидаги майинлик ва мойиллик ҳам шундан нишона-ёв) жавоб...

Шу зайлда кунларим ўтаверди. Оёққа ҳам босдим. Дераза олдида туришга қаноат қилмай, санатория хиёбонига чиқиши ҳам одат қилдим. Бектош Отахонович билан Любовь Николаевна ўзларида йўқ хурсандлар. Гўё доридармонлари наф қилган эмиш. Менинг борлиғим-йўқлиғим эса фақат бир мушкулот билан банд: Қалдирғоч кулгисини эшитсам, гоҳ шўх, гоҳ ҳазин юришларини кўрсам, яқинги насидағи ҳаводан нафас олсам. У албатта, ҳеч нарсадан хабарсиз, мендек ранги заъфарон, сояда ўсган ўт каби нимжон нарсадан ҳазар ҳам қилса ажаб эмас.

Қалдирғочни узоқдан, зимдан бўлса-да, кузатганим сари таажжубим, меҳрим ошар, жумбоқ саволлар сони кўпаяр: танҳо юришни, бирон нарсага, айниқса, гулчечакларга тикилиб ўлтиришни, тинмай китоб ўқиши севади. Баъзан кулиб тўймайди, баъзан ўйга толиб қонмайди. Қаёнларгадир йўқ бўлиб кетишини қўймайди. Қалдирғоч рассом қиз экан. Кунлардан бир кун мен унинг мольбертини елкалаб «натура»га отланганини кўриб қолдим.

Тоғ баҳорининг ўша оромбахш кунларидан бирида жудаям енгил тортиб ўриндан турдим. Апил-тапил нонушта қилиб хиёбонга тушсам, енгилгина кийинган, мольберти елкасида, тоғ сари йўл олган Қалдирғочнинг қораси кўриниб қолди. Таваккалига, менам қизнинг изидан тушдим. Кўп юрилди. Тоғ киндигига кўтарилдик. Қалдирғоч бир сада дарахти соясида тўхтаб, мольбертини ўрнаштириди, сумкасидан чиқазган бўёқларини бир-бир териб чиқди-да, кўзларини тоғ чўққисига қадаганича илҳомга берилди. Мен эса Қалдирғочдан талайгина нарида, кўриб қолса учиниши мумкин хаёлида, бағримни майсага бердим. Ўзимча, айни вазиятимни барра қўзичноққа кўз тиккан оч бўрига қиёслардим.

Бир парча қора ғулутнинг якка бўталоги (адашиб қолгандир!) ҳисобга олинмаса, осмон шишадек тамомила бе-

губор, борлиқ сукут пинагида. Оқ, сарық, пуштиранг чечаклар билан безалган кўм-кўк майса бўйлаб елган шабада табиат осойишталигини ўраб-чирмашга шошилар. Йўталиб юборищдан қўрққанимдан дастрўмолчамни оғзимга босдим. Ё тақдир, шу ҳолатнинг ниҳояси бўлмаса, дунё-дунё хаёлга чўмган рассомнинг ўйлари бўлинмаса, дейман. Мен ҳам фикран, бўйчан бу қизнинг тенгсиз қадди-қоматини, чиройини дил кўзгусига кўчириш билан бандман. Афсуски, кўзларини кўролмайман, орамиз узоқроқ.

Дабдурустдан момақалдироқ галдур-гулдур кўчса, яшин чақнаса, жала-ёмғир савалай кетса бўладими? Мундай қарасам, ҳалиги бир парча қора булат адашлари билан оламга довруғ солиб карвон-карвон кўчмоқда. Тоғ ҳавоси— сел дарёси, деганлари ҳақ гап. Қалдирғоч, ҳурккан кийикдай ўзини дараҳт ҳимоясига олар ҷоғида, мен томон ўтирилиб «бу ёққа келинг» дегандай ҳаракатлар қила бошлади. Оббо, шарпамни пайқаган экан-да. Қиз боланинг оҳудав ҳам сезигир бўлишига энди ишондим.

Оёққа босганимни биламан, қарс-қурс чақнаган яшиннинг найзадор алангаси кўзларимни қамаштириди, қаёндан-дир пайдо бўлган шамол тўлқини кўтариб ерга урди мени. Яна сакраб оёққа босдим. Кўзларимга ишонмайман: сада дараҳтдан фақат бир қулоч чўкиртак қолипти, холос. Яшин довруғи Қалдирғочнинг устки кийим-бошини ҳам юлиб-юлқиб нимяланғоч қилиб кетган, зулфи шамолда паришон, баданини ёмғир ювмоқда. Олдига борайин десам — ўзимдан қўрқдим, уялишидан андиша қилдим. Қараб турнишга эса сабр-қарорим йўқ заррачаям, қалт-қалт титрайман, тишим-тишимга тегмайди. Ўзимни ерга отиб урдиму бошимни ўраб олдим. Бир вақт қарасам, Қалдирғоч — тоғ оҳуси бошимда туритти. Нимяланғоч-а! Кўзларида (ё тавбангдан, кўзлари чўлпон экан) даҳшат ва илтижо ўти. Сакраб туриб, устки кийимимни, шимимни ечдим-да, қарамасдан унга узатдим.

Йўлга тушдик. Сўз ортиқча эди. Кўзлар ерда. Санатория хиёбонининг айри йўлкасида индашмасдан ажralишидик. Омади келганлардан эканмиз дейман, бирон кимсанга йўлиқмадик. «Толенингдан аканг, сал бўлмаса достон қилишарди бутун санаторияга».

Палатага қорамни олишим билан Любовь Николаевна-га дуч келсан бўладими:

- Балли... Шалаббо-ку? — деб кўз тики менга.
- Ке-чи-ринг! Жалада қолдим.
- Тезроқ ечиниб, ўринга киринг!
- Хўп.

— Елкангизни беринг-чи, спирт билан қиздиришим шарт.

— Хўп.

— Қалдирғоч ҳам биргамиди?

—...

— Умиджон?

— Ҳа.

— Бектош Отахонович ташвишда эдилар... Хайрият... У кишидай одамни ташвишга қўйиш айб! Дунёда камдан-кам учрайдиганлардан.

— Любовь Николаевна, сизга ўхшаганлар-чи?.. Кўпми?

— Албатта^{да}! Мен атиги шогирдман. Бектош Отахонович билганларининг юздан бириниям билолганим йўқ ҳали... Ана шундайлардан ибрат ола билишнинг ўзи бир фазилат бўлса керак... Энди бирон соатча ўриндан қўзғалмайсиз. Хайр!

— Раҳмат, Любовь Николаевна.

Кун қандоқ ўтди — билмадим. Қечки таомдан сўнг палатага кирсам, каравотимда Қалдирғоч устидаги кийимбошим турипти: юваб-таралган, дазмоли шай, майнин атир бўйи димофимга гуп-гуп уради. Кўрдиму юрагим сабр қинидан кўчиб, ҳаловатимдан бутунасига ажрадим. Ергаям, осмонгаям сиғмайман, туни билан кўзларим бедор, хаёл, хаёл... Қўнғир киприклари ҳимоясидаги чўлпон кўзларида чақнаган даҳшат ва илтижо чиройининг жилоси, тарашибраш қадди-қоматининг гулдай тоза, жон олгувчи ҳавоси хаёлимдан, кўз ўнгимдан бир дақиқа кетмайди. Қалдирғоч сингари расо қизлар, чўлпон кўзлар севгиларини ерга ташламайдилар, албатта. Мен киму у ким!.. Чапани, ўқимаган, сил касалига дучор нотавонман, дея бир йиғлаб, бир овуниб тунни зўрға оқартирдим.

Қорасини кўрсатармикан ниятида азонлаб хиёбонга отилдим — дараги йўқ, куни билан кутдим — кўринмади. Яна бир уйқусиз тун бошимдан гала-гала нотинч ўйлар кечди. Нонуштадан сўнг хиёбоннинг энг тўридаги ўриндиқ-қа чўкиб, яна хаёлга толибман.

— Умиджон ака! — бу унинг нафаси эди. Ҳаёлми, ҳақиқатми? Бирданига ажрим этолмадим. Шундайгина ёнимдан жой олган. Кўзларида уятчан кулги. Айниқса, «Умиджон ака» деганини айтмайсизми? Лабларидан, овозининг пардаларидан шарбат томади-я, — Яна тоқقا чиқсанмикан?

— Ўша қора булут кўринса — чиқардим-ов.

— Ўйнгиз хом. Тарих қайтарилмас... — деди-ю, ижод дардига кириб кетди у. — Ўтган кунги манзара — осмон

безовталиги, чақмоқ, жала, яшин урган сада чўкиртагининг ваҳший гўзаллиги ҳануз кўз ўнгимда. Агар ўшанга жижжа ўхшаш ҳолат яратолсам... қанийди... Кеча бутун кун уриндим, чиқмаяпти. Ўзи шундайгина кўз ўнгимда-ю, аммо мольберт ёнига борсам, оёқ-қўлим титрайди... Бу нимадан бўлса-а, Умиджон ака?

— Билмасам. Унақанги сирларга тиш ўтмайди,— жавобини бердим. Шуям иш бўлди-ю. Тоғу боғ: мен нима кўйдаману Қалдирғоч нима хаёлда.

— Бу ўзингизга туҳмат-ку!— дея фикримни бўлди Қалдирғоч.— Табиатни севишингиз...

— Севишига-севаманку-я, аммо тасвирини қилишда ёки сиздай суратини олишда кесакман.

— Киши дилида дард яшаса — бўлгани. Мурод — меҳнатга боғлиқ... Бу сўзлар менини эмас, профессорники.

— Кимники?.. Профессорингиз ким?

— Ким бўларди? Бектош Отахонович-да!

Қизгина қўзгалди. Керик қовоқларида ғалати бир сир, ташвиш аломатини сезгандай бўлдим. Таваккалига яна бир луқма қистирилди. Сўраб қолдим:

— Дадангизми?..

— Оқсой билан Кўксойни кўрганингиз борми?— Бу аллақачонлар йўлга тушворган Қалдирғочнинг жавоби эди. Қизиқ. Нега тўғри жавоб бермайди. Паришонликданмикан?..

Орқасидан, эргашдим. У олдин, мен кетин Шоҳимардан қишлоғи сари йўл олдик. Пастликка қараб кетган сўқмоқ йўл кийик сингари сакраб бораётган Қалдирғоч ҳаракатларини тезлатар, мени-да, елкаларимдан итарганича унга яқинлаштирас, фир-фир шабада қурғур эса йўлдошимнинг гултам бўйини ўғирлаб, димогимга келтириб ураг, баҳримни очар, аъзойи баданимни қитиқларди... Назаримда, шу ором шабадаси бор касалимни олиб кетгандай: гўё мен соппа-соғ одам, орзу-ҳавас билан тўлиб-тошган, севги хабари билан масти йигит. Қалдирғоч, Бектош Отахонович, Любовь Николаевна каби кишилар назокати безори Умиднинг дайди табиатини кўкка совуриб, одам бўлиш, яхши ният йўлида яшаш мақсадларини кўнглига жо қилса ажаб эмас. Енгишим, синиқ руҳимни енгишим, яхшилар қаторида ҳаёт кечиришим шарт! Севгим, биринчи севгим. Кўзлари чўлпоним...

— Вой, Умиджон ака!— дея йўл устида қолган Қалдирғоч қошига шошганимча етиб бордим. Бир оёғидан тирқираб қон оқмоқда, ранг-қути қофоз дейсиз.

— Нима қилди?

— Ана у тош устидаги кундага қаранг-а... Чўкиртаги шиллагимчи йиртиб оёғимга кириб кетди чоғи... Оғриғига чидаб бўлмайли.

— Ҳозир... ҳозир, — деганимча, Қалдирғоч оёғидаги щиллак билан пайпоқни еча, чўкиртак зирачасини тортиб олишга киришдим. Бироқ чуқур ботган экан. Қўл билан иложини қилолмадим. Шунда, чирқирашидан сабр-қарорим тугаб, тишларимни ишга соганимни, тирқираб оқмиш иссиқ қонини қулт-қулт ютганимча азоб сабабини суғуриб олганимни, жароҳатини пайпоғи билан танғиб боғлаганимни биламан. Ё тавбангдан! Бундай боқсам, тиззамда шинаванда рассомлар хўбам топиб ишлашган рисолалардаги бўек.., ранги шафтолинийг гулидай нимқиз-риш — ниммомиқ.., табиат ҳудосининг паранг рандасидан ҳали замонғина чиққаи десам, хатоси бўлмас.

← Умиджон ака, яқинроқ келинг. Оғзи-бурнингиз қон. Артиб қўяйин-а!

Бу нидо, қиз бола устомонлигими ё меҳрибонлигими — билолмадим, темирдай қизиган баданимдан совуқ тер чиқариб юборди; қанот тизгинини аллақачонлар узиб қочғаи ҳиссиятим жиловини зўрға қўлга киритиб, инсонликни (ҳайвоний ҳирс тантанасига қилча фурсат қолганди) бой бермадим. Бу чин муҳаббат, ўғил бола кўксидан бош кўтарған биринчи муҳаббат савдоси бўлсаникан! Йўқса, аввалги кезларим бўлсами, айиқ сингари йиртиб ташлардим...

Шу йўсинда Шоҳимардон қишлоғига тушиб бордик. Икки тоғ этагида, жуфай сой ёқасида ўз маконларини яратга ҳоҳимардонликлар чиндан ҳам табиат болалари эканлар. Қайга боқманг — беқиёс гўзаллик: сувдаям-тошдаям, боғдаям-тоғдаям... Бири-бирига қарама-қарши икки ясси тоғ устидаги манзил — кўхна маҷиту Ҳамза қабри гўё ҳануз ўзаро мунозарарада. Лекин бор ҳақиқат «бисмиллоҳир раҳмонир раҳим» томонида эмас, балки «Яша, Шўро» тарафида эканини ҳар қадамда — қариялар пешонасиданам, ёшлар кулгусиданам, гўдаклар тамшанишиданам, қуёшнинг ярқираши-ю, сувнинг шарқирашидан ҳам пайқаш қийин эмас.

Биз қишлоқнинг кафтдек майдончасини кесиб ўтдикда, икки сой туташадиган манзилдаги харсангтош устидан жой олдик. Ажаб манзара.

— Қаранг-а? — Қалдирғочнинг майин овози хаёл, сир тўлқинида сузарди.— Мана буни Кўксой дейдилар, буниси Оқсој, осмон каби зин-зилол бу сой оқимини баланд тоғлар тўшида қайнаган Кўлиқуббондан олармиш.

- Осмон ранги-ю, қүёш тафти шундан денг?
- Ҳа. Буниси эса оқсоқ она тоғлар чўққи-чўққисида ярақлаган музу қордан...
- Она сутининг ўзгинаси-я!
- Ҳа,— қошлари чимирилган Қалдирғоч сўзида давом этарди.— Халқ нақлига кўра Қўксой — баҳодир йигит, Оқсой — жамила қиз эмиш. Бир-бирига интилган икки оташ қалб. Тунда кезган тўлин ой, шамолдан тезучар охулар ўртада элчи, севги элчиси вазифасини ўтаркан. Висол қаноати, дийдор кўришув гайрати иккисини ҳам йўлга соларди. Тоғу тошлар бағрини ёра-ёра йўл очганиларича, севишганлар ниҳоят шу манзилда учрашадилар. Умиджон ака, разм солинг-а?
- Нимага?
- Учрашув пайтидаги савдога.
- Тушунмадим. Қандоқ савдо?
- Икки сой учрашади-ю, лекин бирдан қўшилиб-қовушб кетишимайди. Қаранг-а! Улар гўё куч синашгандай, севги ниятининг покизалигини яна бир бор синовдан ўтказмоқчи бўлгандай анчагина олишиб, бўйлашиб борадилар. Сўнгра, нақшин олманинг икки палласидек бир-бirlарига teng эканини, севгилари чин эканини, тўлин ой ҳикояси ҳам, охулар афсонаси ҳам ҳақиқат эканини ўз кўзлари билан кўришган, қалбан ишонч ҳосил қилишган Қўксой билан Оқсой, яъни баҳодир йигиту жамила қиз бир тану бир жондек қўшилиб кетадилар, тўлиб-тошиб оқадилар, деҳқоннинг чанқоқ ери, халқнинг чаман боғи томон югуриб-еладилар. Энди тушунгандирсиз?— дейиши билан бундай зимдан қарасам, ё тавбангдан, Қалдирғочнинг ранги ўчган, кўзлари намиққан кўринди. Шошиб қолдим.
- Тушунгандада қандоқ...— бу жавобим ҳам тўмтоқроқ чиқди-ёв.
- Йўқ! Тушунмадингиз,— дея сакраб ўрнидан қўзғалганича йўлга тушар экан, алам, зарда аралаш қўшиб қўйди.— Ёки тушунишни истамайсиз...
- Қалдирғоч!.. Қалдирғоч!!— деганимча қолавердим. Орқа-ўнгига қарамасдан кетворди. Кейинидан чопмадим. Менинг кўнглим ҳам негадир ёлғиз қолишни, ўтган кунларни фикр ғалвиридан бир ўтказиб кўришни истар эди. Оқсойни ёқалаб йўл олдим. Сойнинг шариллаши-ю, сайроқи қушларнинг чийиллаши ақлимни тезларди.
- «Ҳой бола,— дердим ўзимга-ўзим,— бу нима қилгани бўлди? Икки сой қовушган жойга бошлаб келиб, сўзлаган ҳиссасининг ҳиссаси?.. Тeng тенги билан, тезак қопи би-

лан, демокчими? Тенгим эмассан, бутунисига телба бўл-
масдан туёфингни шиқиллатиб қол, дегани бўлса-я?.. Ҳа,
унда дафъатан бу қадар оқариш-кўкаришнинг сабаби нима
экан?.. Қиттак аччиқроқ зарда қилдими? «Тушунмадин-
гиз... Ёки тушунишни истамайсиз», эмиш... Тўхта, Умид,
нега ҳар нарсани ўзингга олаверасан, балки кўнглида бош-
қа, сенга ошкор бўлмаган алами бордир? Балки йўлидан
адашган, қалбининг бир учини тенги бўлмаган одамга уш-
латиб қўйгандир? Ким бўлса ўша?.. Аҳ... йўғ-э... Наҳотки,
Бектош Отахонович отаси эмас?.. «Дадангизми?— дега-
нимда жавобини чалғитди-я... Эсингдадир? Бектош Отахонович:
«Ҳой, қизгина! Қалдирғоч...»— деб чақирганида
унинг, «Лаббай, профессор!» жавобини қайтаргани?.. Ҳа-
а, демак, отаси эмас, адашиб кўнгил берган одами... Нега
энди адашган бўлсин? Бир-бирларини севишса-чи? Дали-
линг — фақат улар ёшидаги фарқми? Кўҳна дунё бундай
савдоларни кўп кўрган... Шундайку-я, лекин аламини бу
қадар зарда билан менга англатишида, чўлпон кўзлари-
нинг бир майнин, бир ҳуркиб менга боқишида қизиқ ало-
матлар бор-ку! Умид, юрагинг тарс ёрилса ажабланма,
балки сени севиб қолгандир, балки...»

Ўйларим, дилимни ўйнатган, фикримни тезлаган ўй-
ларим сапчиб оқар сойнинг сўқмоқ йўли билан битта тў-
килди. Кун қариб, шом қуйилганида санаторияга кириб
борибман. Бир вақт қарасам, унинг ланг очиқ деразаси
қаршисида турибман. Шундайгина дераза ёнидан жой ол-
ган Қалдирғоч кўзлари китобда. Ним эгилган бошгинаси,
ғоз бўйнининг гўзллигига нима етсин. Қараб тўймайман...
Табиат беармон сахий бўлмаса бир қиз болага шунча жо-
зиба, шунча чиройни бериб қўярмиди? Эркак зотининг
офати ҳам, саодати ҳам шундайлардан.

Қиз хонасида Бектош Отахонович қораси кўриниб қол-
ди. Мен совуқ қор заҳрини тортаётган кишидай қалтирай
бошладим, тишим-тишимга тегмасди... У тиккасига қиз қа-
ватига келиб, икки қўллаб ушлаганича Қалдирғоч юзини
ўзи томон бурди:

— Йиғладингми?— деб сўраб қолди Бектош Отахонович ва унинг юз-кўзига узоқ тикилганидан сўнг яна
давом этди:— Қовоқларинг кўпчиб, милкларинг қизар-
ган?..

Қиз жим экан, Бектош Отахонович дабдурустдан чўлпон
кўзларни, қорача ширин юзларни, паришон қўнғир соchlар-
ни олазарак ўпишга тутинса бўладими? Ич-ичимдан йиғ-
лаб қочдим. Қизи эмас!.. Қизи эмас!!— Бу ҳақиқат дилим-
ни, тилимни куйдиарди.

Туни билан мижжа қоққаним йўқ, хаёл — азоб — хаёл дарёсининг тирдобида чир айланганимча. Эртаси касалларни профессор кўрадиган кун экан. Ёрдамчила-рини эргаштирган Бектош Отахонович палатага кириб келди:

— Салом, йигит.

— Ассалом.

— Хўш, Любовь Николаевна, Умиджоннинг касаллик тарихига қўшилган янги саҳифаларда нималар ёздингиз?— деганича профессор унинг ёнидан жой олди. Любовь Нико-лаевна сўзлай кетди:

— Касалнинг умумий аҳволи кутилмаган даражада яхши. Қон составидаги иллатлар йўқ бўлди. Бундан икки кун аввал рентгенга соглан эдик: ўпка деярли тоза. Мана, суратига қаранг-а, Бектош Отахонович.

— Тўғри. Фикрларингизга тўла қўшиламан,— деди у рентген суратини синчиклаб кузатар экан, сўнгра кифтимга қўл ташлаганича сўзида давом этди.— Жир битишиям чакки эмас, лекин бугун рангингиз синиқроқ кўринадими, Умиджон?

— Қайдам.

— Қайдам?.. Қўйлакни ечинг! Қани, ўпкангиз билан бир гаплашиб кўрайлик-чи?

— Марҳамат,— деганимни биламан, кўзим профессорнинг оппоқ ҳалати ёқасидаги лоларанг бўёқقا тушиб қолса бўладими. Худди ўша... Кеча Қалдирғочнинг гулбарг лаб-ларидаям шу бўёқнинг ўзгинаси эди-ку... Бунинг устига кўкрагимга қулоқ берган Бектош Отахоновичдан анқиётгац атир ҳидиям ўшаники. Қалдирғоч хуш кўрган, менинг димогимга аллақачонлар унинг муаттар бўйи сифатида ўрнашиб қолган атир ҳидининг ўзгинаси-я... Нима ўйлашимни билмайман. Қўнглимдан физиллаганича турли хунук гумонлар кечади. Йўғ-эй! Наҳотки?.. Унчалик эмасдир... Ниҳоят, иродам синди. «Мен соғман! Тинч қўйинглар мени!..» деганимча уларни ҳайратда қолдириб, палатадан чиқдим-кетдим.

Қайда ва қанча кезганимни эслолмайман. Севги дарди, шубҳалар заҳри, рашқ алами кўксимни кесворди. Шубҳаларим Қалдирғочни айбласа, севгим оқлайди. Рашқ алами унинг бошига таъна тошларини ёғдирса, ишқим қалқон вазифасини ўтайди. Қалдирғоч шунчалик беғубор чечакки, унга ҳатто мезон заррасининг ҳам юқишини истамасдим. Аммо ҳалиги далиллар-чи? Бектош Отахоновичнинг кечаги оқшомдаги олазарак вазиятини, бугун менинг вужудимда ўт ёқсан нарсаларни нима дейиш керак унда! Қалдирғоч-

нинт ўзи ким, ахир? Қизини? Йўғ-а, қизи әмас, йўқ. Хўш, қизи бўлмаганда кими?.. Ёки устомон овчининг тўрига тушган гўл учирмамикин-а-а?

Бу нотинч, жон қозиги хаёлларим бутун кунни ўғирлаб, ниҳоят, тоғ осмонининг чироқлари ҳам жамол кўрсатишиди. Мен бечора яна уларнинг уйи ёнидан, деразаси ярим очик кечаги хонаси қаршисидан чиқиб қолсам бўладими. Ёфду атрофида парвона жонивордай узоқ кетолмадим. Бирорлар суҳбатига қулоқ солиш, ланг очик деразалар орқали уй ичини таъқиб остига олиш — беадаблик, албатта. Била-ману бироқ беихтиёрман. Қалбим ақлим устидан ҳоким бўлгани учун шу елимликни ҳам ишладим. Кўзим Бектош Отахоновичга тушди. Хонанинг тўридан жой олган бу одамнинг руҳи паришонроқ кўринади. Қалдирғоч эса ўқ еган кийикдай нотинч, оёқда, хонанинг у бошидан-бу бошига бориб-келишини қўймасди.

— Қалдирғоч, мени кўпам қийнайверма, етар,— дерди Бектош Отахонович.— Ёшлик юлдузи чақнаган чўлпон кўзларингда чеҳрамдаги қарилик малолига имо-ишоранинг асарини кўриш — мен учун қайта ўлиш билан баб-баравар гап. Ҳа-а, хотиним бор эди. Чолу кампирлар бевақт ўлган акам ҳалолини менга хотин қилишди. Шундай одат ва одоб бор экан. Акамлардан, ишонган тоғларидан жудо бўлишган отам билан онам истакларини ерда қолдириш — уларни тириклай тупроққа кўмиш билан тенг экани учун ҳам мажбур бўлгандим. Аммо у бечора аёлга нисбатан қалбим исимас, ачинишдан ўзга сирни билмасдим. Сўнgra фронт, ярадорлик, госпиталь...

— Типаж излаб, ярадор аскар портретини ишлаш учун типаж қидириб госпиталга борсам,— бу Қалдирғоч овози эди. У нафаси қисилган одам каби гапиришида давом этди,— бошидан ўқ еган ҳуш-бехуш одамга дуч келиб қолдим: қошлари, қовоқлари, юз тузилишлари худди Мавлоно Беҳзод чизган антиқа миниатюралар нусхасидан... Пешоналаридаги уч йўллик тугун юзга урган ҳаёт, ирода, ақл тафтидан нишона... Хуллас, излаган типажимнинг айни ўзгинаси... Илҳомимга илҳом қўшилиб, ишланажак портрет хаёлида эканимни биламан, кўзларингизни оғир очдингизда, «сув-в-в, бир қултум... сув-в», дея менга тикилдингиз. Югурганимча сув келтирдим. Авайлаб бошингизни кўтара, пиёлани тўғрилаган эдим, энтикиб, тўхтаб-тўхтаб ичдингиз-да, исимимни сўраб қолдингиз, «кимсиз?»— деганингиз ҳали-ҳали қулогимда.

— Қалдирғоч!.. жавобини олдим ўшанда,— дея илиб кетди сўзни Бектош Отахонович.— Шу-шу жароҳатимга,

афобимлә энг зарур малҳам сен, Қалдирғоч бўлиб қолдиаг. Қун сайин келишингни энтикиб кутардим. Қелдинг дегунча «тезроқ кета қолса», ташвишида бўлардим. Азбаройи ўзимдан, одамлардан, сенга гап-сўз тегизиб қўйиши мумкин бўлган яқинларимдан қўрққаним туфайли... Мана, йиллар ўти. Бахтим, саодатим — сен билан бирга кечган онларда... Шу чоққача, қоя осмон кўли чиройини, оромини тўфон ҳазонидан нечук асрраган бўлса, мен ҳам сенга, шаънингга, қиз отингга қиттак ҳам доғ юқтириласликка бор кучимни сарфладим. Ота-она орзу-ҳавасини ҳам синдиридим. Энди бошим очиқ... Шу келишингда узил-кесил жавоб бермоқчи эдинг? Аммо... кейинги кунлар... кўзларингда ётсираш, мендан ҳуркиш... Ёки бирон бошқа одамни севиб қолдингми?

— Умид қандай йигит? — деб юборса бўладими тўсатдан Қалдирғоч.

— Ким! Умид?

— Ҳа, ҳалиги Умиджон-чи... биласиз-ку?

— Тилга олишга арзирлик ундоқ йигитни билмайман, лекин ўғрилик-газандалик кўчасида сил касалига дучор бўлган Умид деган бир болани ўлимдан сақлаб қолдим. Бунисини биламан.

— Нима? Ўғри-газанда?!

— Тарбия кўрмаган одам — ёмонлигини қўймас. Инон-масанг, мана,— деганича стол тортмасидан олган бир нарсани Қалдирғоч томон улоқтириди Бектош Отахонович,— унинг акасидан келган хат, ўқиб кўр!

Гап-сўз шу ерга етганида сабр-қарорим тугади. Агар Қалдирғоч бу ердан узоқроқ жойда бўлганидами, Бектош Отахоновични тилиб, ёриб ташлардим. Номардни қара-я!. Тўхтанг, одам боласи эканимни, сизга ўртоқ профессор, Қалдирғочгаям исбот қилганим бўлсин, кўзингиз уйқуда, ақлингизни мой босган, деганимча Шоҳимардондан бошимни олиб қочдим-кетдим.

— Акмал, дўстим, мана тоқ юришимнинг «сири» ана шунда. Энди сенга барчаси аён.

— Ўшандан бери учрашмадингларми?

— Иўқ.

— Қалдирғоч тақдирни қандай якун топди экан?

— Билмадим.

— Умид, қайроқтош экансан!

— Ке, энди ухлайлик, уйқунгни қочирганим учун узрлиман...

Умид орқасига ағдарилиди. Тонг џафасини сезган серғалва шаҳар ғовур-ғувури кучга кирмоқда эди. Гул ўлкам ху-

мори, дўстим дардининг оромтам шабадаси мени бутунлай элитиб ташлаганига қарамай, Қалдирғочни қидириб топишга қасд қилдим. Албатта, қайда бўлмасин Қалдирғоч, бу омон бўлгур Умиддай чин инсон қалбининг «сири»ни билмоғи лозим. Балки табиблигим шифо келтирас... дўстимга, Қалдирғочга...

Умри азиз китобхон, сизча ҳам шундоқми? Маслаҳат беринг!

Ташкент,
1965 йил, 25 апрель.